

ACTA ERUDITORUM

publicata Lipsiae

Calendis Septembris, Anno MDC LXXXII.

MISCELLANEORUM HISTORICORUM

Regni Bohemiae Decadis I. LIBER II. qui de Bohemia Populo, &
veteribus ac novis Incolis solide & nervose disputat, &c. Autore
BOHUSLAO BALBINO, e Societate Jesu,
Pragæ, M. DC. LXXX.

nec non

Eiusdem Decadis LIBER III, qui fines & terminos
totius Bohemiae, tum ipsorum Districtuum figuræ, arces, oppi-
da, & urbes complectitur, &c. Autore Eodem.

Ibid. M. DC. LXXXI, in fol.

UT primo Libro hujus Operis exposita, e quibus nonnulla pro- *Act. pag.*
ximus Calendis delibavimus, contemplationi rerum natura- *241. seqq.*
lium maxime inserviant: ita dissimulandum non est, iis que
hoc SECUNDO libro de variis variarum gentium migratio-
nibus adducuntur, Historiam antiquorem, non Romanam modo,
sed Germanicam quoque, Gallicam, imo Græcam, & Anglicam non
parum illustrari.

Nam initia Gentis suæ prima proditurus Autor, per distinctas
incolarum classes procedit, in quarum una Bojos, media cum Her-
munduris Marcomannos, & ultima Czechos videtur collocasse. Pri-
mam quod concernit, ipsius Bohemiae nomen docet a Bojis esse na-
tum, Galliæ Celticæ populis, sed tum non minus ac Gallia tota (præ-
ter Romanorum Colonias diu post deductas) Teutonico veteri ser-
mone utentibus; & Bojheim nihil Germano sonare aliud, quam quod
Bojorum patria Latino. Inde que ad antiquissimæ Gentis gloriam
pertinent, persequitur. Nempe 1) audaciorem & ferociorem ex
Bojis Hercynieasibus sobolem una cum Trocmis ac Tectosagis e Bojo-
hemis

hemo exiisse, & Pannonia primum, deinde Thracia, Græcia percurfis
 & pervastatis, Asiam ingressos, denique in Aælide & Jonia, plurimis
 cladibus illatis & acceptis consedisse, ibidemque Gallograecorum gen-
 tes fundasse. 2) Cimbros, gentem Romanis formidatam ante, quam
 aggredi Romanos statuerint, Hercyniam silvam, sedesque in ea Bojo-
 rum ad habitandum intrasse, sed rejectos fortiter, alias quæsiisse ter-
 ras; quod prælum uberius expositum habes Libro sequenti. 3) He-
 dius, vel Aedius adversus Jul. Cæsarem auxilio venisse Bojos, & hac e
 gente ortum postea Borbonios traxisse. 4) Bojos ex Bohemia Bojoa-
 riis, seu Bajoariis & Bavaris dedisse originem, eosque veterum Bojoh-
 emorum quandam esse coloniam: id quod *Veserii*, *Brunneri*, *Adelz-*
reutteri, & *Cluverii* autoritate ita firmat, ut novum simul errorem
 Scriptoris Suevos cum Hermunduris confundentis, evellet.
c. 21. §. 1.
fol. 24r.

Ad secundam delatus classem, Bojos a *Marcomannis*, duce Ma-
 roboduio, ex vetusta Suevia nobilitate orto & Romæ educato sub Au-
 gusto, Bohemia ostendit esse pulsos: &, ubi de Marobodui hujus Re-
 gia in Hercynia sylva, de Marcomannorum post Ducas sui ad Roma-
 nos fugara gestis præcipuis & cladibus, quave ratione eorundem reli-
 quiae per Attilæ regnum deletæ fuerint, differuerisset; Marcomannos
 non Slavicam (ut in *Speculo Monvia* voluit *Paprocius*) sed Suevicam
 eoque Germanicam fuisse gentem, ex *Strabone*, *Tacito*, *Eutropio*, *Pto-*
lemae ejusque Commentatoribus; ex *Vesero*, *Cluverio*, *Cromero*, *Golda-*
sto, *Cureo*, *Dalecampio*, *Vobburgio*, & *Dressero* nostro planum facit, iis,
 quæ regeruntur a parte diversa, rejectis & solutis.

Postremæ classis incolas contemplaturus, initio majores suos,
 Slavicæ gentis originem inde a Babelica turri deducentes, adversus A-
 neam Silvium defendit, cum quod Slavica lingua omnino primige-
 nia, & inter duas illas & septuaginta Orbis universi linguas habeatur,
 tum quod idem fecisse probro non vertatur nationibus cæteris. De-
 inde Slavicorum populorum, quales *Bulgari*, *Sorabi*, *Roxolani*, *Mosci*,
 & *Venedi* fuere, primas sedes explicat, eosque ex Sarmatia Asiatica &
 Europæa in Europam interiorë ascendisse ait; Venedos præcipue tri-
 bus immigrationibus, quarum maxima circa Attilæ tempora accide-
 rit, in Germaniam interiorem penetrasse. Hinc de *Czechi* & *Lechi*,
 Slavorum Principum, in Bohemiam adventu agit, & refutata *Petri*
Codicilli sententia, de *Aureolo Tyranno* a *Czecho* & *Lecho* apud Illy-
tios

tios interfecto, magnum adducit Autorum cumulum, de ætate Czechi, quove tempore in Bohemiam is advenerit, statuentium. Quo etiam loco observat, grande necessario meritum in gentes Slavicas (quæ postea per Bohemiam, Poloniam, totque late provincias sese effuderunt) fratrum Czechi & Lechi extitisse, propterea quod abolito seu Vendorum, seu Sarmatarum, seu Slavorum, aut alio quocunq; nomine, Czechitas aut Lechitas appellari se voluerint; illudque amoris ipsorum Ducum, mitissime summa populi voluntate regnantium, aut quod commode ingentia auxilia adversus vicinos Germanos genti suas attulerint, aut quod lectissima nobilitate stipati advenerint, & Bohemiam atque Poloniam generosa ista sobole impleverint, aut quod patriam ab hostibus purgarent, aliave nomine bene mereri de patria studuerint, datum fuisse existimat.

Reliqua pars Libri, 1) *ἀνακρεοντης* sive confutationem eorum, a quibus diversum sentit Autor; novitii maxime Scriptoris, qui gesta Vandalarum adscriperat Czechorum genti, Czechitas statuens ortos a Vandalis, & *Vandalo Bohemos* nominans; quiique Venetias a Vandalis conditas fuisse, Vindelicos a Vandalis prodiisse, & alia id genus paradoxa asseruerat; 2) *ἀνακρεφαλαιων*, & summam eorum, de quibus disputatum hucusque fuit, articulis distinctis octo comprehensam: 3) Dissertationem, Autoris historiæ parallelam, de Originibus Boemorum seu Czechorum, ab Andrea Stredorio S. J. consignatam, & a Dn. Basbino nuper repertam complectitur.

TERTIUS Miscellaneorum Liber Topographicus atq; Chorographicus inscribitur, & totam argumenti, in quo versatur, vim si spectes, sex potissimum partes continet. Prima Bohemiae fines cum Septentriionales, tum Australes, & Occidentales determinat, decisa prius (ex aliorum sententia potius, quam propria) quæstione, an Bohemia Germania & Imperii Germanici provincia & pars sit, & num ad Imperium Germanicum referatur? Ac ne quis pristinos fines confundat cum hodiernis, Misniæ & Lusatiae partem aliquam docet olim in Bohemia fuisse censem; nominatim Zittaviam & Gorlicium: Bohemiae fines ultra Comitatum Glacensem usque Wartam, & Camenitum quondam extenos: item procul in Austriam, & in Palatinatum usque Noribergam, & in Bavariam: Marchiam vero Brandenburgicam nunquam fuisse Bohemiae partem, licet eandem quandoque Reges Bohem.

miae, aut eorum regia familia, vel donationis, vel oppignorationis, vel emtionis titulo tenuerint.

Secundam argumenti partem constituunt Bohemiae Regiones, seu, ut nunc vocant, *Districtus* quatuordecim numero, præter Comitatum Glacensem, Territorium Egrense, & territorium Cubitense; nec non Urbes, Oppida, & Arces. *Districtus* ita percurrit, ut fines singulorum describat, urbes eorum præcipuas, civitates, & oppida nominet (memorabilia quæ in istis sunt, alteri reservat loco), suam cuique figuram assignet, memoranda in provinciis, quave commendari dote mereantur, magna diligentia exponat. Ad Bohemiae coronam vero cum Glacensis quoque Comitatus pertineat, peculiaris de eo tractatio nunc subjungitur, qua, præter judicium de Georgio Aeluro dicti Comitatus Historico, prolixius de Glacii fundatore, titulo Urbis imperialis, (quem ei ex Diplomate quodam Henrici I. Aucupis tribuerat Aelurus; sed subreptitum & confictum illud ipsum esse, signis non obscuris Balbinus evincit) Dominis; de Comitatus hujus clypeo, terminis, hominum copia (quos inter oppidanos Levinenses adeo tornandi artificio testatur excellere, ut uno in cerasi nucleo duodecim duodenas cochlearium spectandas exhibere, & uni píxideculæ apis magnitudine 24 cochlearia elegantissimo artificio distincta includere valeant) Nobilitate, religione, Capitaneis, & Præpositis Cœnobii S. Mariæ in monte Glacensi, differit. Accedit præterea succincta descriptio Silesiæ, non minus hodie ad Coronam Bohemiæ spectantis, cum censura de Silesiæ Historicis Curæo, Schickfuso, Polio, & Henelio Silesiographia quondam edita, & Bresographia clara.

Jam velut ex peregrinatione Glacensi & Silesitica in Bohemiam reversum, de *Urbium* & Oppidorum calamitatibus, quantamve populi Bohemici stragem proxima bella ediderint, conquerentem videoas, adeo, ut status pristini & hodierni contentione, nec non locorum, & facultatum ex tabulis publicis & indicibus inductione facta, hodie sepe nec umbram quidem veteris Bohemiæ tenere fateatur. Ab Urribus progreditur ad Arces, & earum multitudinem in Veteri Bohemia ex indiculo Wenceslai Hageci partim, partim ex indiculo proprio sic recenset, ut districtum & distantiam ab urbe Praga singulis apponat. Arcium tamen nimia etiam multitudine (Rudolfinis adhuc temporibus toto regno centum viginti quatuor munitas habuerunt), & quod nonnullæ

Necnullæ earum a latronibus insiderentur, offendit olim Carolum IV scripto exercitu, quasdam obseßas tradit occupasse; prædonum duces in crucem egisse, arces dejecisse. Tum de quæstione, utrum expediatur, quamplurimis arcibus, aut contra nullis, vel paucis tantum, patriam communire? quid sentiat, aperit. Tandem & Castrum S. Wenceslai, seu Arcem Regiam Pragensem, quæ arcium omnium per Bohemiam principatum obtinere fertur, cum partibus suis, quales sunt: Basílica Metropolitanae Pragensis Ecclesiæ, cum interius, tum afforis plurima memoratu dignissima curiosis oculis ostendens; Habitatio Regia, Regii horti, & hos inter erecta Domus, quam Mathematicam appellant, Regis Wladislai Palatium, & alia pro cuiusque dignitate describit.

Ad tertiam partem *Openi publica* retulit, Pontes, Basilicas & Templo celebriota, Palatia, Cœnobia, ædificationes sumtuosas, verbo: quicquid memorabile Bohemorum telluri inhæret arte & labore hominum perfectum. Non postremum intet ea locum habent: Pons Pragensis super flumen Mulda vam stratus ex quadrato saxe, & 18 tornicibus constans, vel hoc nomine cum Londinensi ripas Tamisis jungen- te comparandus: Templum S. Barbaræ Kuttenbergæ, quod una & septuaginta columnis sustinetur, ut ejus ichnographia docet, peculiari tabula expressa: Turris in memorato ponit, quæ ex veteri in minorum Pragam iter est, conspicua, quæ una ab hostibus Suecis Antiquam & Novam Pragam servasse perhibetur: Turres aquariae Pragenses, e quibus aqua insigni artificio, certis in altum canalibus elata, rursus in canales alios refusa, ac ponderibus depressa, per omnia urbium fora, compita, & domos dispensatur: Ambitus in Monasterio Aulæregiensi, in cuius olim lateribus Vetus Novumque Testamentum ab initio Geneeos ad Apocalypsin Joannis literis majusculis in tabulis scriptum continebatur, notis quo altius irent, paulatim crescentibus, ita ut a summo usque deorsum facilis lectio præberetur, ut Æneas Silvius autor est: Subterraneus meatus seu cuniculus Praga usque ad pagum in Arcis Regiae Pragensis conspectu Bubenecz excisus: Horologium Curiæ antiquæ Urbis Pragensis, non aliquam modo diei aut noctis horam, sed diem quoque, mensem, annum, Solis & Lunæ ortus, siderum omnium cursus, signa Zodiaci, Lunæ ætatem, aureum numerum, Cyclos, quodque mireris, Festa per annum præcipua

pua indicans; unde & dignum habitum Autori, quod cum singulis partibus hoc loco & historice, & mechanice describeret, deque cuius præstantia & arcana tractatum *Johannis Tabor斯基 Mathematici summatim insereret*: Machina denique supra argenti fodinas Præbramenses posita, quæ aquam fodinas mergentem & omnino mersuram, rivuli cujusdam beneficio, die nocteque nunquam interrupte exahit ab imo, exantlat, aliumve in locum effundit: delineatam cum partibus suis habes fol. 165.

Quarta libri parte, Subterraneorum operum, quæ paulo ante adduxerat, occasione de variis agit Thesauris in Bohemiæ solo hinc inde reconditis, expressis civitatum quarundam & arcium, in quibus latere credantur, nominibus, caussisque ejus rei non improbabilibus allatis; pro thesauro tamen carbones inventos aliquando fuisse, proprio suo comprobat exemplo. Inde & Spectrorum, v.g. Albarum Dominarum, in ditionibus Rosenbergorum & Novodomensium Procedrum, & alibi non raro apparentium; Bohemorum veterum arte Magica insignium; hominum e sepulchro vel ex media morte surgentium (ubi & cultri a Bohemo devorati rustico, & incisione extracti, figura fistitur), præfigiorum item atque præstigiarum aliquot exempla, ut alia de veterum Bohemorum habitu, cultu corporis, linguaeque conservandæ studio jam omittamus, proferuntur.

*Quintum membrum enumerat nobis prælia, in Bohemica tellure (nam quæ a Bohemis gesta fuerunt alibi, Autor jam non persequitur), commissa quamplurima. Tametsi enim in Chorographica Bohemiæ tabula, sub titulo, *Rosa Bohemiæ omnibus seculis cruenta*, a se se olim edita, octoginta solum præriorum mentionem fecerat; nunc tamen esse adhuc ostendit longe plura; nec tantum catalogum centum & septuaginta septem præriorum recenseret, sed in causas inquirit quoque, unde tanta bellorum seges in hoc regno florentissimo prævenerit.*

*Postrema parte Apologia pro gente Bohemica continetur adversus Melchiorem Goldastum, & Petrum Ribaldum Peruanum; quo factio sub nomine *Michaelem Pieczek*, civem Novæ Pragæ Satyricum latere, indicio nobis est Balbinus. Neque satis is esse arbitratur, Goldasti asserta de Regni Bohemiæ juribus refellisse, nisi & injuriis objectis aliorum clarorum Virorum, Georgii Fabricii, Marquardi Freheri, Gasparis*

Sparsis Dornavii, Antonii Bonfinii, Hieronymi Balbi, Pii II &c. præclara
de vetere Bohemia testimonia & encomia reponat.

Cæterum *Mantisse*, & *Additamentorum* titulis quæ duobus hisce
libris, post cujusque indicem, reperiuntur annexa, ad Librum I Miscel-
laneorum spectant. Siquidem non alia, quam quæ de rebus Natura-
libus Bohemiæ suggesta Dn. Autori ab Amicis Virisque doctis fuerunt,
iis ipsis referuntur; nisi quod circa Additamentorum finem occur-
tant & Paralipomena quædam ad aliquot capita Libri Tertiū.

**Daniel Georg Morhofen Unterricht von der
Teutschen Sprache und Poesie / deren Ursprung / Fort-
gang und Lehr-Säzen. Vorbev auch von der reimenden
Poeteren der Ausländer mit mehrern gehan-
delt wird.** Kiel 1682 in 8.

DANIELIS GEORGII MORHOFII
*Disquisitiones de Germanorum lingua & poesi, earumque ortu,
progressu & legibus. Ibi simul de aliarum gentium ryth-
mica poesi differitur.* Kilonii, 1682.

Cum de Latinorum lingua & poesi multi commentarios scriperint,
poesi etiam Germanicam quidam in artem redegerint ac certis
legibus adstrinxerint, deque lingua Germanorum diversorum Auto-
rum extens monumenta: nullam tamen præstantiori ingenio, ac ma-
jori eruditionis ratiōrisque doctrinæ copia conditum fuit hoc opu-
sculo: quod vernaculo idiomate scriptum Germanicis suis Poematisbus
in unum collectis fascem, & Kilonii hoc anno editis, præmisit doctis-
simus Morhoffius, Latinorum etiam Græcorumque carminum venu-
state nulli Poetarum secundus. Ac majus quidem & justum Opus
Originum Germanicarum, in quibus linguae & verborum Germano-
rum origines fuse & explicatiū sit deducturus, se moliri; artem etiam
Poeticam Germanorum peculiari Operē Latino se traditurum in Præfa-
tione indicat: quorum Operum liber hic specimen velut sit, unde
prægustum capere liceat.

In tres istum divisit partes; quarum *prima* de Germanorum lin-
guæ, *alterum* de eorum poesi & poetis, *tertia* de arte poetica eorumdem
agit.

agit. In *prima* antiquitatem & excellentiam linguæ Germanicæ ostensurus, eam si non Hebraica, Græca tamen & Latina antiquorem esse, & has isti originem debere, tum in peculiari Dissertatione, quam de novitate Græca & Latinae linguæ editurus sit, se ostensurum promittit; tum hoc ipso in loco probat ex eo, quod Græci & Latini philosophiam & linguam, vehiculum scientiarum, a Barbaris acceperint: Barbarorum autem nomine Scythes ac Celtas venisse seu Gallos, quorum lingua vetus cum Germanica eadem sit; quod ex plurimis verbis, quæ utriusque genti communia, sola dialecto discrepant, ostendi possit, & quibusdam exemplis ipse docet. Cumque vetus Germanorum lingua ad complura Asiae loca, inque ipsam Persiam antiquissimis temporibus penetrarit (docente id infinita vocum copia utriusque linguæ communium, verbis item similiter terminatis eodemque modo compositis, quod observarunt Lipsius, Salmasius, Bochartus, Mylius, Burtonus, Piccartus & Jo. Gravius) in Egypto etiam, Arabia, & ipsa America quarundam vocum a Germanis acceptarum & ab his eo derivatarum vestigia deprehendantur: probabile omnino esse, Germanorum linguam ætate illas posteriores antecellere; Græca quidem & Latina vetustiorem esse, ab eo demum recte intelligi qui veteres Græcorum & Latinorum *voces* e Fragmentis & Glosariis depromtas cum priscis Gothicis, Runicis, Anglo-Saxonicis, Cimbricis, Francicis & Hispanicis vocabulis contulerit, nec hodiernarum per universam Germaniam receptarum dialectorum fuerit imperitus. Eum enim deprehensurum, plurimas Græcarum Latinarumque dictionum radices in veteri Saxonum, Westphalica, Cimbrica, Pomerana, Megapolitana, Belgica, Danica, Norvagica, Suecica, & cum primis veteri Gothicæ lingua latere. Has autem acceptas fuisse a Græcis & Romanis, non solum Dionysii Halicarnassensis testimonio adversari, qui sub finem Lib. I Romanos linguam sibi adsumisse ait, quæ nec tota Græca, nec tota Barbara, ex ambabus vero commixta sit: sed e veteribus quoque Latinorum vocabulis in Osca, Volsca & Tusca lingua usurpatis contrariū apparere, quæ quo vetustiora, eo Germanicæ linguæ sint propiora. Varroni & Festo nullam in Originibus linguæ Latinæ habendam esse fidem, quippe qui saepe fallantur, communi vitio plerorumque, qui in gentis sua lingua tradenda turpiter labuntur. Statuit ergo cum Salmasio & Boxhornio, fontem genuinum Europæarum linguarum veterem Scytharum

Scytharum linguam esse, e qua primigenia Germanica Gothicaque sint ortæ, quibus Græca & Latina originem debeant. Quo simplicior enim & rudior lingua sit, eo antiquorem esse; expolitam contra & omnibus numeris absolutam notæ recentioris habendam. Monosyllabas etiam vel paucarum syllabarum voces antiquitatem linguæ & velut radices prodere; recentiorem putandam eam, quæ vocabulis polysyllabis abundat, adjecta flexione & terminatione commoda abblan-diente auribus, numerumque & rythmum orationi conciliante. Ger-manica autem & Scythica cum simplex ac rudis, & omnis elegantiae ac dignitatis expers sit; Latina & Græca contra politiorum ac elabora-tarum speciem præ se ferant, polysyllabis insuper abundant, in iisque una vox interdum ad sex vel septem excreverit syllabas, & longi syrmatis appositione sibi aliquam acquisiverit maj estatem, facile cui-vis constare, utra harum habenda sit antiquior. Derivationes autem Latinarum, Græcarum, aliarumque linguarum e Germanica veteri Gothicaque, in literarum mutatione consistere, quæ vel additione, vel detractione, vel transpositione, vel permutatione instituta sit. Ad-ditionem vel in initio vocabuli per prosthesin, vel in medio per epen-thesin, vel in fine per paragogen; Detractionem æque vel in initio per aphæresin, vel in medio per ecclipsin, vel in fine per apocopen fuisse factam. Quorum modorum complura exempla affert, & peculiari capite vocum, quibus partes corporis humani & brutorum apud La-tinos & Græcos signantur, e Germanica lingua derivatarum rationeim ostendit.

In altera parte Poeeos Germanorum originem & progressum exponit, præmissa tractatione de aliarum gentium poesi rythmica; ut cognoscatur, utrum hæ Germanis forte priores poesi excoluerint, ceu nonnullæ gloriantur, utrum ipsis inventionis versuum rythmico-rum gloria tribuenda sit. Ac in primo capite de *Gallorum* agit poe-si, tum prisca, quam Poetæ Aquitani & Provinciales, ut Eustachius, Arnaldus Daniel, & complures alii excoluere, quos Jo. Nostradamus & Claud. Fauchetus peculiaribus libris, Verderius item in Bibl. Gall. recensuerint: tum recentiori, quam a Clemente Marotto conditam plures, quos nominat, excoluerint: tum hodierna, quam ad summam gloriam evexerint præstanti ingenio ac eleganti eruditione conspicui viri, Franc. Malherba, Theophilus, Victurius, Scuderius, Regnerius, Rablai-

R. blaisius, Sorbierius, Menagius, Capellanus, Pere le Moine, Godeau,
 Saint Aymant, Desmarests, Les fargue, Corneille, Moliere, & alii, qui
 videri possunt enumerati in Sorelli Bibl. Gall. & Coleteti de Vitis Po-
 tarum Opere, quod laudat Menagius Observ. ad Malherb. pag. 429.
 Secundum caput *Italorum poesin a Gallis ortam & per certas velut*
ætates distinctam recenset: quarum prima a Dante, Petrarcha, & Boe-
catio ad storem perducta sit; adultior Bembium, Casam, Tassum, Co-
lonnam, Sarrochiam, Sannazarium, Ariostum, Cagnolum, Burghesi-
um, Guarinum, Marinum, Chiabrera, Pretum, Testum; ultima plu-
res recentiores tulerit, de quorum poematibus differitur. Tertium
 caput de *Hispænorum poesi ejusque vitiis & autoribus haud vulgaria*
tradit, laudemque huic genti adimit inventionis fabularum amatoria-
rum, Romanis sive Romanzi dictarum, quam Casp. Bathilius & Th.
Spraat ipsis tribuerat. Poetæ autem istius gentis recensentur: Diego
Ximenes, Quevedo, Gongora, Erzilla, Camoens, Silveira, Cervantes,
Argensola, Lope de Vega, qui mille octingentas comoedias scripsit,
Garsias Laso de la Vega, & Alph. de Ledesma. Quartum caput *An-*
glorum poesin & poetas enarrat: ac veterem quidem Anglo-Saxonum
linguam & poesin æque ac populum ipsum Germaniaæ ortum debere,
vetustissima autem apud eos carmina esse Alfrei Regis, & Aldhelmi: a
quibusdam Richardi quoque Backeri & Godfridi Chauceri poemata
laudari tradit: Recentes poetas Abr. Covvley, John Donne, Cleve-
*land, Edm. Waller, John Denham, Georg Herbert, Baconem Verula-
 mium, Shakespeare, Fletcher, Beaumont, Ben. Johnson, Suckling, &*
*Jo. Miltonum nominat de iisque differit. In quinto capite de *Belga-**
rum lingua, qua cum Germanica veteri ferme eadem, ab hac certe or-
ta est, & Poesi in isthac gente usitata agit. Veteres autem poetæ (ut
Anonymous ille, qui Chronicon Belgicum rythmicum scripsit, a Jac.
Eyndio in Zeeland. Chron. sæpius allegatus, & a Dusa editus) cum ru-
diores & absque omni arte fuerint, seculi hujus poetas cultissimos ex-
titiisse, Jan. Dousam, Dan. Heinsium, Jac. Cathium, Const. Hugenium.
Laudat hujus gentis ab hac arte plures: Jost van Vondel, Jan de Voss,
(qui eum vitriarius esset & egregia poemata conderet, in suspicionem
incurrit apud plerosque, ac si Barlaeus sub ipsius nomine ea scripserit)
Hooftius, Henr. Westerbaen, Henr. Brunoos, Jo. Adolph. Dans,
Matth. van Meervyvede, Jann van der Veen, Decker, Bodicher Banning,
Dan.

Dan. Ionctys, Anna Maria Schurmans, Anna Tesselscha, & complures poetæ alii, quorum ingenii monumenta ne intereant, peculiaribus Voluminibus v.g. de Zeeusche Nachtegael, Klioos Kraam, Apollos Harp, collecta extant. Postquam hæc ita delingua & poesi exterrarum gentium exposuisset, ad Germanos eorumque poesin se convertit, deq; ea tractationem capite sexto & seqq. suscipit. In tres autem ætates eam dispescit, in primam & remotissimam, medium, & hodiernam. Quorum prima e carminibus veterum Germanorum, quorum Tacitus meminit, cuius verba minus commode ad Sueonum vetusta poemata trahantur a Rudbekio, noscenda sit: media a Caroli M. temporibus repetenda, qui & ipse cum filio Ludovico poesin excoluisse carminaque composuisse perhibetur, & ab aliis condita collegit: quem deinde sequi sunt Ottfridus, Willramus, Weinsbeck & alii, quos nominat Golsdastus in Not. ad Paræn. & quorum multos se editurum promisit Lambeccius Syntagmate Rerum Germanicarum, cui immortuus est. Ad hanc ætatem referenda istorum etiam cantorum origo, quæ magistrorum (Meister-Gesänge) vocantur, & alia ludicra æque ac sacra rhythmica scripta Germanica, Hugonis von Trymberg, Freydanck, Seb. Brant, Melch. Pfinzing, Burch. Waldis, aliorumque, quorum Agricola in Praefat. Prov. Germ. nomina recitat; libellus item, qui inscriptus est Reinicke Voß (de cuius autore & interpretibus differitur) & Rollenhagi Frischmeissler. Tandem huic referenda ait Hans Sachsenſutoris prius, inde ludimagistri Noribergensis poemata, quorum se ultra sex millia condidisse ipse profitetur. De Septentrionalium poesi peculiari capite octavo differit. Ultimæ seu hodiernæ poeseos ortumi ad Martini Optii tempora referendum esse, sub quæ gloria Germanicorum carminum instaurata sit, & cultissima ea prodierint, autoribus Flemmingo, Werdero, Tscherningo, Colero, Gryphio, Hoffmanno, Casparo, Ristio, Dachio, Rolingio, Franco, Harsdorffero, Clajo, Schirmero, Betulio, Weissio aliisque; foemineum quoque sexum huic se applicuisse studio aliquot exemplis, quæ inter illustræ Henriettæ Catharinæ Gersdorffiae natæ Frisiæ decus effulgeat, capite nono tradit.

Tertia parte de poetica Germanorum arte, ejusque modis & generibus fusa tractat: ac primo linguam Germanum nequaquam barbarum esse, sed excultam inque artem redactam & certis adstrictam regulis ostendit, eoque in loco de Grammaticis super hac arte editis libel-

bellis, dialectis item, orthographia, etymologia, & syntaxi linguae hu-
 jus haud proletaria afferit: deinde ad prosodiam delatus, copiosius eam
 exequitur, de accentu & quantitate syllabarum numeroque poetico
 accurate differens, rhythmicam autem poesin aduersus Isaaci Vossii, Ro-
 landi Maresii, & Slusi objectiones & criminationes defendens, ejusque
 praestantiam, antiquitatem, suavitatem, utilitatemque commendans:
 majoribus quidem difficultibus & angustiis metrorum, quae Latina
 & Graeca poemata servant expositas esse leges ostendens. Hinc de
 origine poesios rhythmicae apud Latinos & que ac Germanos & alias
 gentes, tam ejus quae δύοισι τελεύταις versuum syllabis constat, quam
 quae pari numero pedum & metro gaudet non habita syllabarum quan-
 titate, differit: ubi diversibus leoninis eorumq; autoribus & generibus,
 aliisq; eundem in sonum desinentibus carminibus, & rhythmri qualitatibus,
 haud alibi obvia in medium afferit. Genera Carminum apud
 Germanos vel *pedum*, vel *stropharum* & *rhythmorum*, vel *materie* ratio-
 ne varia esse affirmat. Pro *pedum* diversitate in Iambicum, Trocha-
 icum, Dactylicum, Anapæticum, Alcaicum, Anacreonticum, & tot
 genera mixta seu composita ea abire, quot apud Latinos recepta sunt,
 ait: pro *stropharum* inæqualitate in Alexandrinum, Elegiacum, Sapphi-
 cum, Odas Pindaricas, Eccho, Sonnetras, Rondeaux, Madrigales, Stan-
 ces, dividi: pro *materie* seu *objeti* varietate & inventionis (quam la-
 tius exequitur & peculiari se executurum Opere promittit) ratione
 distincta, in Heroica sive epica carmina, (quo loco de sic dictis Romans
 seu fictis heroicis libris eorumque origine & utilitate disquirit) Odas,
 Eclogas, Dramata, Satyras, & Epigrammata dispesci docet, & de quo-
 vishorum carminum genere, quid in eo observandum sit ut ad digni-
 tatem perveniat, qui præstantissimi Autores ejus extiterint, quae Ope-
 ra condiderint, quae perierint, quae materiae cuivis genericoveriant,
 quae figuræ ea exornent, aliaque tradit quae cognoscere utile non mi-
 nus quam jucundum fuerit.

Sub finem libri cuiusvis generis carminum pro diversitate metri
 & stropharum distinctorum exempla afferit, ab Henrico Schevio com-
 posita, priores septendecim Horatii Libri I Carminum Odas germani-
 ce exhibentia: quibus tres suorum *Germanicorum Poematum* partes,
 gratulatoria, lugubria, sacra, profana complexas, subjicit, non habitu
 ordine ætatis temporisve quo condita, aut argumenti quod tractant:
 nempe

nempe non venustate solum, quam eximiam plane habent, dum nativam elegantiam minus affectatam anxieque quæsitam præ se ferunt, sed varietate simul Lectorum animos demulcens.

<i>Tempora</i>	<i>Eclipsis Lunæ Greenovici prope Londinum observata, die II. Februarii Anno 1682, a Johanne Flamsteedio Math. Regio.</i>	<i>Confer pag. Actorum 109. 114.</i>	<i>h. / / /</i>
Vera p.m.			
8. 1. 00	Lunæ Diameter ter observ.	6702=33.25.	
48. 38	- Fumus in inferiore parte, nudis oculis		
53. 07	Limbus Lunæ remotus a Regulo	8. 1. 11	8. 5. 20
55.07	- - - - -	repet.	8. 6. 20
9. 2. 34	Limbus Lunæ remot. a lucid. in Lumbis Leonis	14. 58. 15	
4. 18	- - - - -	repet.	14. 57. 55
8. 42	Limb. Lunæ remot. a Regulo repet.	8. 12. 50	
9. 4. 08	Umbra.		
11. 44	Densa Penumbra.		
12. 32	Initium.		
14. 02	Medium Paludis Mareotidis.		
18. 10	Sexta Pars Peripheria obscurata.		
20. 10	Circinna intra Umbram.		
21. 32	Limbus primus Montis Cataractes, vel Gassendi Ricciolo.		
27. 58	Oculus Draconis.		
28. 22	Legebat Limbos primos Cretæ & Ætnæ.		
29. 48	Ætna totus tectus, Initium Insulæ Hieræ.		
33. 46	Initium Corsicæ.		
36. 38	Sinæ Mons incipit.		
37. 32	Sinæ medium.		
38. 04	Totus Sina tectus.		
38. 48	Centrum Lunæ, sive digiti VI.		
39. 58	Incipit Lacus Niger Major.		
43.42	per medium Besbici.		
46.58	Initium Byzantii.		
47.22	Incipit Horminius.		

Tempora	
vera p.m.	
h. 1 11	
9. 47. 50	- - Carpathes.
48. 30	- - Serrorum mons.
50. 24	- - Apollonia, Ricciolo Plinius.
52. 44	- - Macra.
54. 26	- - Mons Hercules.
59. 10	- - Corocondometis, Ricciolo Palus Soman.
10. 0. 38	Tota Palus tecta.
2. 20	Incipit Mæotis.
5. 14	Umbra per medium Insulæ Majoris.
6. 54	Tota fere Mæotis tecta.
7. 28	Sexta pars Peripheria iterum.
10. 14	Immersio,

19. 21	Lunæ limbus proximus a Regulo	10. 1 11
11. 38. 6	Lunæ limbus rem. a regulo repet.	8. 13. 30
41. 48	- - - - - iterum	9. 23. 50
11. 47. 38	Emersio.	9. 25. 35
50. 2	Sexta pars peripheria illuminata, cum Limbo primo	
11. 50. 42	Medium Mareotidis.	(Mareotidis,
51. 6	Tota Mareotis liberata.	
52. 50	Umbra per medium Porphiritidis.	
53. 34	Totus Porphirites.	
58. 18	Circinna tota.	
12. 1. 0	Cataractes Sirbonis totus, vel Gassendus.	
3. 20	Ætna incipit.	
5. 18	Ætna totus retectus.	
7. 34	Creta.	
13. 38	Sina incipit.	
14. 28	Sinæ medium.	
15. 34	Sina totus.	
17. 34	Medium Besbici.	
18. 28	Centrum Lunæ, sive VI digiti retecti.	
20. 50	Byzantium extra.	

By-

<i>Tempora</i>	
<i>vera p. m.</i>	
h. 1 11	
II. 24. 24	Insula Apollonia testa;
31. 38	Medium Corocondometidis.
33. 18	Mæotis incipit illustrari.
39. 06	Sexta pars Peripherie adhuc defecit.
42. 18	Insula Major Caspiæ tota.
45. 10	Dubius Exitus.
45. 38	Gertus Finis. Ante Initium Eclipsis observavimus distantiam Limbi proximi Mareotidis a Limbo Lunæ proximo $145^{\circ} 0' - 43^{\circ} \frac{1}{2}'$, & a Limbo remoto Lunæ Maculæ ejus- dem Limbi $- 65^{\circ} 55' 32.48''$.
	○ 1 - 11
12. 52. ○	Limbus Lunæ remotus a Regulo.
55. 10	- - - - - repet. 10. 0. 10
	9. 58 20

ANDRÆ ABBATIS BAMBERGENSIS
de vita S. OTTONIS Libri quatuor, nunc primum
ex Membranis Benedicto Camminensis Ecclesiae Pontifici
in scriptis editi a Valerio Jascio Pomerano,
SS. Theol. Lic.

Colbergæ 1681. in 4°

S. Otto, natione Suevus, ex inclita Andechsiorum stirpe Comes,
 primum Judithæ, quæ Henrici IV. Imp. germana soror fuit & Bo-
 lesla Polonorum Duci nupsit, Capellanus, postea Canonicus Ratisbo-
 nensis, tum Henrici IV Cancellarius, & tandem Ecclesiæ Bambergens-
 sis Episcopus & Pomeranæ Gentis Apostolus, liberalitate, frugalitate,
 fundatis, instauratis, & amplificatis plurimis templis & monasteriis,
 reec non visionum & miraculorum fama clarus, & a Clemente III
 in Divorum numerum relatus, Historicis duodecimi, quo vixit, & se-
 quentium seculorum, Helmoldo, Cranzio, Alberto Stadensi, Gobelino
 Perso-

Personæ, Conrado Urspergenſi, Nauclero, Paulo Langio, Trithemio & aliis haud ignotus eſt. Nec defuerunt, qui ejus vitam ex instituto enarrarent. Extant enim Anonymi Scriptoris, qui Ottonis in convertenda Pomeranorum gente comes ac socius fuit, libri tres de vita Ottonis, quorum Autorem D. Cramerus & alii Siffridum Ottonis Scribam fuſſe existimant. Certe Siffridum hunc Ottonis vitam & res gestas literis tradidisse testis eſt Andreas Monasterii S. Michaelis prope Bambergam Abbas, qui ſe quatuor ſuos de S. Ottone libros ex Siffrido, & Tiemone, quem quinquennem Ottonis minulum fuſſe memorat, & Ebbone, qui ex ore Udalrici Sacerdotis Ottonis vitam excepiſſe perhibetur, & Herbordo Schoſtico, qui & dramatico carmine & ſoluta oratione Ottonis vitam perſecutus eſt, confarcinalle haud diſſimulat. Et hos Andreæ Bambergensis de vita Ottonis libros primus in Divis ſuis Bambergensibus Jacobus Gretſerius publicavit, & cum Anonymo illo Scriptore, prout apud Caniſium T. II Antiqu. Lect. legitur, studioſe in margine contulit, quos poſtea ex Gretſero etiam Surius interprobatas Sanctorum vitas ad d. 2. Julii collocavit. Verum cum L. Valerius Jaschius Consistorii Elect. in Pomer. Aſſessor, Eccleſiaſtes Marianus & Colleg. Schol. Colbergensis Rector, qui aliquot abhinc annis Vitam Ottonis ab Anonymo deſcriptam in compendium redegit, a M: Friderico Cramero Paſtore Stetinensi antiquius & ſincerius Andreæ MSC. nactus eſſet, ut ſuum de patria bene merendi ſtudium omnibus probaret, ex Membranis haſtenus ineditis deſcribi illud procuravit, & quantum partim cum Anonymo, partim cum Andrea Gretſeriano conueniret, aut quantum ab iisdem diſcreparet, diligenter annotavit, & appendice trium Diplomatum, nec non obſervationibus quibusdam & dupliſi indice, uno rerum, altero vocum barbararum & barbare ſcriptarum illuſtratum, in lucem publicam emiſit. Ad calcem obſervationum ſubjecta eſt digreſſio ad diгreſſionis Gretſerianæ caput præcipuum de fide ac doctrina S. Ottonis, quam Autor Apoſtolicam, ſed næviſ illorum temporum aspersam, fuſſe breviter monet.

RESPONSIO VALEDICTORIA AD SECUNDAM Sandii Epistolam, in vindiciis Nuclei ſui Historiae Eccleſiaſtice & conſcriptam, una cum Appendix de Cingallo. Per Samuelem Gardinerum S.T.D. Londini 1681. in 8.

Uc

Ut hæresin diu orco damnatam revocaret, incertosque falleret Christophorus Sandius, anno M DC LXXVI Nucleum (ut ipse vocat,) *Historie Ecclesiastice*, Coloniz (hunc enim locum frons libri inscriptum habet) publicavit. In quo, per omnia inde a Christo nato secula, magno molimine probare vicitur, Arii dogma de Christo, fidei Catholicae contrarium, in Ecclesia semper obtinuisse. Ab hac igitur blasphemati dogmatis infamia ut Patres Ante-Nicænos liberareret vir eruditissimus D. Samuel Gardinerus, S. Theol. Prof. & Regis Maje- stati Britannicae a Sacris, Σποτυπώσι suæ, sive *Catholicae circa SS. Trinitatem fidei delineationi, ex scriptis Patrum Ante-Nicanorum desumptæ*, anno insequenti annexit *Responsionem brevem*, qua laudatos modo Patres contra ἐγνθίματα Sandii defendit. Quo factō, anno statim proximo M DC LXXVIII, Sandius Appendix addendorum, confirmandorum & emendandorum, ad Nucleum suum, ut vocavit, *Historie Ecclesiastice* editæ, subjunxit tres epistolas, quarum prima ipsius est ad D. Gardinerum apologetica; Secunda D. Gardineri ad Sandium, in eadem causa Patrum qui ante Concilium Nicænum vixerant; Tertia iterum Sandii est, qua contra Gardinerum Ἱερῶν, in gratiam Ariano- rum semel assumtam, pergit διαφυλάττειν. Sed hanc ultimam dicti Neo-Ariani epistolam in nominata supra *Valedictoria Responsione* refutat Gardinerus, ostendens Patres Ante-Nicænos doginati Ariano minime favisse. Sub calcem Responsionis *Cingallum* (sub quo no- mine Sandium latere arguit,) qui Goudæ anno M DC LXXVIII vul- gaverat libellum, cui titulus: *Scriptura S. Trinitatis Revelatrix*; in quo, ut laudatus Gardinerus observat, ipse multos Scripturæ locos, qui SS. Trinitatis ὄμοσιαν, coæternitatem & coæqualitatem validissime probant, unius vel alterius, recentis nonnunquam interpretis autoritate nixus enervat, & dum contra Socinianos animose dispu- tare videtur, Ariorum argumentis prolixe satis propositis, brevissime, quasi aliud agens, & negligentius satisfacit. Id quod Theolo- gus magni nominis, D. Abraham Calovius etiam in peculiari Disserta- tione, Wittebergæ anno 1680 de *Scriptura sacra veteris Testamenti S.S. Trinitatis revelatrici* proposita, & eidem *Cingallo* opposita, ac- curate & ex professo demonstravit.

JOH. ADAMI OSIANDRI, SS. THEOLOG. D.
Cancellarii Universitatis & Prepositi Ecclesie Tübingeris,
Theologia Casualis, in qua questiones dubiae & casus conscientiae
circa credenda & agenda enucleantur. Pars sexta & ul-

tima. Tübinger Anno 1682. in 4.

Conscientiae casus, seu varia quæ in credendis agendisve, vel intellectum, vel voluntatem remorantur, & conscientiam perplexam reddunt, dubia extricare quantum interfit, cum celeberrimi nominis Theologus intelligereret, in id incubuit, ut post varia Theologiae Exegeticae, Didacticae, Polemicae, Homileticae, & Moralis specimina, hanc etiam partem, quæ in religionis articulis & variis hominum actionibus hæsitantibus conscientiis consulit, peculiari Theologiae Casualis systemate illustriorem redderet. In quo de conscientia ejusque norma, scrutinio, & cura quatuor capitibus praefatus, ad speciales casus Theoreticos pariter & Practicos se accingit, eosque sub junctis rationum fundamentis, & remotis objectionum obstaculis, decidit. Divisum est integrum opus in sex partes, quarum ultima hoc ipso anno publicata eas quæstiones enodat, quæ de pace religionis, de simonia, de scando, de correptione delinquentium, de eleemosynis, & de novissimis hominum moveri solent. Nunc ejusdem Autoris in scribendis edendisque libris indefessi Commentarium in libros Samuelis & quatuor Evangelia, nec non Canones Apostolorum illustratos, Relationem omnium Conciliorum, Reflexiones Theologicas in Cartesianismum, & alia promissa monumenta expectamus.

RELATIO DIVERSORUM EXPERIMENTORUM
factorum cum Phosphoro, tam liquido, quam solido, a D.
Fried. Slare, Reg. Soc. & Colleg. Med. Socio.

Excerpta ex Collectionibus Philosophicis Anglicis,
 no. 3. A. 1681. 10. Decembr. p. 48.

Experimentorum præterita æstate coram Regia Societate exhibitorum quædam cum Phosphoro liquido, quædam cum solido erant peracta, quos inter quoad materiam nulla est differentia, cum uniterque ex substantiis seu materiis ab humano corpore desuntis præ-

page.

paretur. Phosphorus ita paratus, in solida quidem forma, facile urere valet corpus: at liquori permixtus, & ita liquidum constituens, non urit; adeo ut foeminæ etiam manus nulla ustione lœdantur, imo ne calefiant quidem, etiam si eas eodem abluerit. Experimentum hujus proxima septimana plurimum in præsentia factum, dum persona quædam erudita, cum eodem & manus & faciem levasset, tantam lucem faciem suæ conciliavit, ut ejusdem coruscante splendore tres aut quatuor aliæ personæ, haud adeo procul distantes, illustratæ ex facie cognosci potuerint: simulac vero candela conclavi illata fuit, splendor omnis disparuit, nec indicium ullius alterationis in earundem cute deprehendi potuit. Quod si exacte inclusus conservetur hic Phosphorus, non adeo diu lucet: quendam tamen observare contigit, & vel & successivis vicibus quasi coruscantem, in vitro etiam exacte clauso: unde hic idem videtur cum Phosphoro fulgurante D. Elsholtzii, cum coruscationes ejus ad fulguris similitudinem proprius accedant.

Alter solidus Phosphorus haud differt materialiter a fluido, cum maximam partem ex urina elaboratus sit; persuasum tamen omnino habeo, quod pariter & ex sanguine præparari queat; si æque facile illius ac urinæ copia obtineri posset, cum urina nonnisi serum sit sanguinis, per renes transcolatum. Sub præparatione ejus, non solum secundum communem analysin, phlegma, spiritus, sal volatile, sulphur vel oleum, sed & alia extraordinaria Phænomena se nobis exhibent, antequam singulare hoc productum prodeat. Phosphorus hic æque perspicuus reddi potest, ac quodvis resinosum corpus, & ut instar ceræ in aqua calida liquefacat. Frigidus perquam tenax est, & instar Lunnæ Cornea scissilis, vel potius hac adhuc durior; aqua cooperitus lucebit, si vero quædam ejus portio in aerem emergat, lucebit, etiam in vitro hermetice sigillato.

In amplio vitro asservatus, sine aqua, continue ad aliquot dies lucem sparsit, cum parva aut nulla vel lucis vel ponderis diminutione.

Quasdam solidi hujus Phosphori portiones aliis longe vividiores & inflammabiores deprehendi. Praterita aestate, cum experimenta quædam circa hunc Phosphorum institueremus, quivis sine danno ullo tractare illum poterat, at quædam tamen particulæ vix calida manus contactum, quin ignem conciperent, sustinebant. Pluribus

bus contigit hoc infortunii, quorum curiositas meis cum extorserat manibus, dum credere haud poterant, quod corpus adeo frigidum, sponte sua in ignem tantopere urentem transire posset. Experimenti gratia, in praesentia Nobilis, particulam hujus lucidae substantiae, duarum circiter drachmarum, seponebam, & tamen ignem concipiebat, absente etiam quavis candela, nobisque omnibus notabili intervallo ab eadem distantibus, & instar fascis lignorum deflagrabat, adurebatque mappam & mensam, cui imposita erat.

Cum Phosphoro non adeo igneo aut vivo scribebam vocabula pro lubitu in loco illuminato, & in loco tenebroso radiantes & lectu facillimi exhibebantur characteres, quasi essent verba radio quodam lucis scripta; idque durabat ita ad notabile tempus. Quod si literae haec igni admoveantur, donec incandescent, nigrescunt subito, eumque colorem tamdiu retinent, quamdiu alias bonum solet atramentum.

Perquam diffusiva est lux: nam supra centum characteres cum penicillo hoc illustri delineavi, & neque somam ejus partem absumentem observavi. Similiter dimidium ejus granum, appetente nocte, manu meæ inducebam, quæ exinde tota quasi inaurata, & per integrum noctem lucida reddebat: appetente enim mane talem illam deprehendebam. Diffusiva ejus qualitas ex eo porro confirmatur, quod granum unum exactissime ponderatum, in aere libero per 7.1.8. dies continue lucidam flammulam sparsit, adeo ut cum interdiu fenesstras meas, quæ spectant austrum, clauderem, continuo videre liceret sphæram igneant, quæ attentius observata, flammulam candidam in aërem ambientem diffundebat, quod largior portio longe notabilius præstat. Consumebantur ita omnia, non relictis cineribus aliisve recrementis, præter paucam humiditatem saporis subacidi. Majorem vero ejus portionem ita deflagrare cum permissem, copiosorem humiditatem, saporis instar debilioris spiritus sulphuris per campanam acquirebam. Id quod mihi in mentem revocat, plures meorum amicorum, viso hoc experimento, fumos istos vocasse sulphureos; ac sane in omnibus suis proprietatibus potius ad sulphur, quam salina concreta referendus videtur, tam ratione sua inflammabilitatis, quam ratione solubilitatis in aqua.

Quantum ad Medicum usum conferre queat nobile hoc subiectum, tempus docebit, nec Vos morabor circa ea, quæ de hoc dicere possim.

possim. Hoc pro certo scio, quod eruditus *Willisius*, (modo adhuc viveret) cum gaudio visurus sit tale productum nostri corporis, qui confidenter admodum præsupponebat aliquid igneum, aut flammatum, aut igni saltem analogum, a quo incendatur & imprægnetur sanguis. Nec improbat talem hypothesin eruditus *Lovverus*, licet sanguinis incensionem in pulmonibus potius, quam corde fieri statuat. Quibus aliis Naturæ Phænomenis explicandis interferviat, paulo specialius scire velim, quo & pertinet observatio Erudit. *D. Croon*, qui suum corpus inducio recenti & calefacto fricando, utrumque lucere facit: ut & ista Nobilis Bristolienensis, qui una cum filio mihi retulit, quod tibialis sua, post diurnam deambulationem, frequentius luceant.

CONTINUATIO PRÆDICTORUM EXPERIMENTORUM, ejusdem Autoris, ex Collectionibus Philosophicis Anglicis, no. 4. A. 168 $\frac{1}{2}$. 10. Jan. pag. 48.

excerpta.

Tentatus vim elasticam substantiae hujus luciferæ, ad inflammationem redactæ, sequens instituebam experimentum. Portionem ejus includebam exiguae vitreæ phialæ, nucis myristicæ magnitudinis, igne lampadis ad insignem tenuitatem redactæ, ut eo promptius ab elasticitate substantiae inflammam expandæ affici posset;) hanc sigillatam hermetice, quo nec aer nec aliud quid citra illius fracturam posset erumpere, admovebam calori ignis, & juxta expectationem meam subito materiam contentam incendi flammæ sub forma observabam; & ita flamas emittere, ac integrati quasi vitri capacitatem replere continuabat per breve temporis spatum, a quo extincta videbatur, citra vitri vel fracturam vel rupturam.

Pro cognoscendo melius residuo illo, in quod resolvitur materia adeo flammans, tale tentabam experimentum. Præparabam aliam parvam phialam, cum tubo non nihil largiori in summitate aperto, ut hic fumarii loco igni in globo inferiori esse posset. Admovendo ergo materiam calori, eam, ut supra, inflammabam, & deprehendebam tam fumarium, quam superiorem globi partem obductam sulphure flavescente, quod utut ita sublimatum, haud tamen spoliatum erat proprietate sua lucente, quin ad levem incandescentiam tota phiala splenderet.

deret & luceret. Ut experirer modum, quo in aere aperto deflagraret, incendebam portionem ejus, admovendo illam tantum calori ignis; & deprehendebam, quod instar frustuli Nitrī combureretur, sed sine explosione, celerrime tantum deflagrando.

Observavi ulterius, quod relinquat materiam rubram tenuem, dum extinguitur, quæ non absimilis est ceræ rubræ, & adeo percipitur acida, ut dentes stupefaciat, ferrumque dissolvat.

Majus frustulum, exacte ponderatum, aeri ita expositum, diutius lucebat, antequam splendor plane extingueretur: examinata postmodum liquoris, in quem abierat, quantitate, non absque consternatione triplum ad minimum prioris ponderis reperiebam, qui nonnullis eum gustantibus spiritus sulphuris, aliis spiritus salis videbatur.

Tentabam experimentum Domini Præsidis, applicando quoddam ellychnium, an ita flamma ejus, ac lumen concentrari melius, & dirigi in certum objectum, mediante tali quadam Phosphori vel solidi vel fluidi applicatione, queat: nec tamen hactenus convenientem perficiendi illud modum reperire licuit. Simul enim atque solidus in igne actualem incenditur, subito seipsum ac ellychnium consumit: fluidus vero nullo modo incendi potest, etiam si actualiter calefactus; & ita non poteram flammulam sursum in ellychnium adigere, nec vivida satis est lux ejus, pro singulari quodam usu; licet ejus consistentiam liquidam solidam utiliorem existimem, pro subministranda luce. Cum enim partem vitri sphærici amplioris, 5. l. 6. unciarum circiter Diametri, fluido Phosphoro implevissem, deprehendebam integrum vitri cavitatem supra liquorem ita radiis luminosis repletam, ut prompte maiorem characterem juxta illos legere possem.

Cum universaliter jam concedatur, ignem & flamمام pabulum suum ex aere capere, lubido incessit, examinandi subjectum hoc in vacuo. Pro quo scopo, considerabilem massulam ejus ponebam subter vitrum, quod affigebam machinæ aeri exhauriendo dicatae, & remotis candelis, exacte observabam, quo lumen gradu luceret. Hinc subito erabolum suctoriū machinæ (ad Papinii modum elaboratæ) agitabam, ac deprehendebam, quod lucida magis redderetur, cum tamen carbo probe ignitus, ad primum suctum penitus extingueretur: post tertium & quartum suctum, qui bene exhauebant vitrum, multum augmentabat suum lumen, & ita aucta splendebat luce, donec obser-

bservando delassatus, acerem readmitterem, & phosphorum ad pristinum languidum luminis gradum redire obserarem.

Cum tentarem perfolium flatum ad incensionem illum producere, putabam penitus me illum extinxisse, adeo diu mortuus quasi jacebat, antequam lucis quippiam appareret.

Omnes liquores apti nati sunt ad extinguendam lucem hanc, si subiectum illis immagratur: nec lucebit, nec inflammabitur, etiam in liquoribus maxime inflammabilibus e.g. oleo olivarum, spiritu therbinthinae, vel ipso etiam spiritu vini, ebullire illud permiseris.

*OBSERVATIO MEDICA RARA, IN A-
pertione cadaveris cuiusdam Epileptici, a Dn. Jac.
Sponio, Medicina Doctore, ac Collegio Lngdunensi in Gal-
lia aggregato communicata.*

Dominus de L. - - - Lugdunensis annos 42 natus vitam causariam jam ab annis duodecim agens, ultimoque tribus abhinc annis insultibus Epilepticis frequentissime correptus, simul hydrope pectoris, quo remediorum ope liberatus erat, tandem mense Julio hujus anni 1682 ab hora 6 matut. ad meridianam usque, quinque aut sex vicibus vehementius solito concussus est, ἀΦωνησεις per illas sex horas & apoplecticus, ultimo insultui non resistens fato cessit. Aperto cadavere praesentibus medicis, chirurgoque subsignatis, haec observata fuerunt.

1. Abdomen, hepar, lien, intestina insolite magnitudinis, ut edacibus, qualis erat, esse solet.
2. Stomachi constitutio satis naturalis.
3. Pulmones tumefacti, coloris obscuri ac fere lividi: quod afflicti ab hydrope pulmonis residuum erat.
4. Cerebri lateralis pars dextra inflammata.
5. In ventriculis cerebri sanguinis coagulati copia: ruptura scilicet vasorum sanguineorum a motibus convulsivis procurata, quæ apoplexiā & mortem intulit.
6. Pars major ramorum Jugularium internarum indurata & obstructa humore glutinoso exsiccatā: hinc inde, forte in valvulis, corporibus quasi glandulosis venas magis attollentibus,

Hinc

Hinc ex ultima hac observatione, quæ oppido rara est, conclude-re, licet, circulationem sanguinis hac in parte impeditam, regurgitasse in cerebrum sanguinem & lympham, quæ insultus illos Epilepticos patiebant: qui quidem insultus primo anno, ubi vasa leniter obstructa erant, leves fuerunt, ut sensibus non privaretur æger, sensimque fortius obstructis, graviores etiam fuerunt. Quæ quidem Epilepsia causa, etsi non unica, frequentissima tamen videtur esse, cum pueris & pituitosis, ut ait Hippocrates, & confirmat experientia, saepius quam aliis accidat. At ii glutinosis humoribus abundant, has obstructiones accessentibus. Cæterum divino Hippocrati non incognita causa hæc fuit, cum ait libro de flatibus *Epilepsiam fieri, cum obstructions multæ multis modis circa venas contingunt, & sanguinis motus prohibetur: atque hic quidem sistitur, ibi tardius permeat, alibi autem citius: ex qua sanguinis per corpus transitus inæqualitate, varia etiam inæqualitates contingunt.*

Subsignati.

Andreas Falconet Exconsul & Decanus Collegii Medicorum Lugd.
Antonius Marquis Aggregatus eidem Collegio.

Chataigner Chirurgus, qui penes se habet venas illas e cadavere exemptas.

*ABREGE DES OBSERVATIONS ET
des reflexions sur la Comète 1680 & 1681, présente au
Roy par Mr. Cassini. à Paris 1681 in 4.
Epitome observationum & considerationum super
Cometa 1680 & 1681 Regi exhibita,
Parisiis, 1681 in 4.*

IN ista Synopsi constitutum est Clarissimo Authori, juxta hypothesin æternitatis Cometarum ostendere, Cometam hunc eundem censi posse, qui anno seculi lapsi 77mo fulsit. Recensitis autem breviter, quæ circa phænomena præsentis notari in hanc rem intererentur, & instituta inter utrumque comparatione, peculiari Theoria, prolixo Schemate exhibita, sententiam suam exponit &c firmat, Cometæque hujus phænomena ad causas suas strictum revocat.

Atque

Aīque ut tanto magis sua sibi constet Hypothesis, Cometam a precedente mensis Novembris distinguit: quod diversus iis fuerit cursus, orbitæque plus triginta gradibus ab invicem declinantes; Hoc in Austrum, post seclam in Libra Eclipticam; Illo per Sagittarium, in Boream deflectente; Exemplo hucusque non obvio, ut idem Cometa, locis adeo vicinis Eclipticam bis intersecisset: quod motu prioris, usque ad occasum heliacum, continue decrescente, posterior ab ortu heliaco motum intenderit; viciſſitudine haec tenus in nullo Cometarum observata: quod juxta Theoriam suam, æqualem utrius motum tribuentem, primus suum super circumferentia, cuius centrum in Ariete, conficiat, centro alterius in Leone constituto; ipsoque tum in Sagittario sub Sole abscondito, cum prior in Virgine comparere inciperet.

E phænomenis Cometæ præcipue notat: I. binam ejus cum Sole coniunctionem: primam d. Nov. 26, alteram d. 19 Januarii; illic Solis, hic Cometæ motu citatiore: utramque intra spatiū unius Signi, rarissimo exemplo, contingentem. II. æqualitatem motus Cometici & Solaris prope coniunctionem ferme eclipticam: iis qui ex effluviis Solaribus Cometas produci afferunt, patrocinantem. III. motus, magnitudinis apparentis, & longitudinis Caudæ continuum augmentum, ad usque d. 4 Januarii, Cometa tum ad Perigeum devoluta; singulorum abhinc continuum ad disparitionem usque d. circiter 20 Martii decrementum: claritate Luminis juxta rationem elongationis a Sole indies imminuta. IV. Caudam, ab opposito Solis versus occidentem, plagamque motui suo proprio adversam, a prima apparitione magis indies magisque, tanquam ab altero latere premeretur, incurvata.

Attendendo vero, cui forte, e prægressis olim Cometis, proximi quadrarent: tres nuperos, annorum 1665, 1672, 1677, cum ultraseculari anni 1577 ita conspirasse comperit, tanquam tractus, ab Hoc olim coepitus, per eas constellationes, quæ Eidem adhuc percurrentæ erant, illis continuandus fuisset: differentia non majori, ac Planetæ ad eadem loca, circulo exacto, revolvuntur.

Hunc Cometæ anni 1577 tractum, tantopere Cometis frequantum, & ea propter Zodiacum Cometarum Autori dictum, ut primum Cometam posterium tenere deprehendit, deinceps servaturum non temere Regi Galliarum prædictum; eventu utique non abnuente: cum eadem utriusque via per Arcum Sagittarii, Genu Manumque orientalem Antinoi, Os Equulei, & Pectus Pegasi, fuerit.

Disparem porro Cometa anno 1577 & 1681, per eadem Signa, motus celeritatem, Perigeo mobili (quippe anno 1577 in Sagittario, anno 1681 in Aquario constituto) tribuit: unde Idem, anno 1577 & Perigeo demum suo e radiis Solaribus se explicans, motu continue, ut magnitudine apparenti, decreverit; anno 1680 vero rediens, & ad Perigeum complusculis diebus tendens, longiorem viam in conspectu nostro, intensiori motu, per Andromedam sc. Piscem Borealem, Triangulum, pedem meridionalem Persei, supraque caput Tauri, fuit emensus.

Uterque autem in iisdem signis diversus olim atque nunc motus iste fuerit, parem tamen illi utrinque rationem celeritatis per dies 68 continuos, illic a 13 Nov. 1577; hic a 9 Jan. 1681, quantacunque parte temporis hujus utrobique comparata, constitisse, conformitate non minori atque in Planetis solet, sustinet: ita ut differentia hincinde paucorum minutorum, longe minor sit ea, quam diversa a Sole distan-
tia (æqualis illi, quæ eodem comparationis momento, Cometa anno 1577 & 1681 fuit) in Planetarum revolutionibus causatur. Ex qua denique similitudine, quæ unice argumentum præbeat, cur v. c. Mer-
curius, olim hodieque revertens, unus idemque Planeta debeat censi-
ri, utrumque pro eodem, qui exactis, sive una, s. pluribus revolutionibus
reversus sit, agnosci posse; ad minimum sibi sufficere pronunciat, in
utroque adnotasse, quod uni minime irregularium Planetarum, nun-
quam duobus diversis, fuerum sit contingere.

Distantiam Cometæ a Terra, *Autor* vario experimento, Lunari longe majorem evidenter deduxisse contentus est: cui in majus semper, ïndice continuo magnitudinis apparentis decremento, auctæ non so-
lum, sed & debilitati luminis, Cometæ disparitionem tribuit; cum ipse nudis oculis jam invisus, tubis adhuc Jove major, & instar nubecu-
læ subalbidæ, compareret, demumque post 18 Martii, aere a Luna, Jo-
ve & Venere nimis illustrato, penitus evanesceret.

Caudam, quam Cometis accidentalem cum coma facit, sive subtilis capit is exhalatio sit, conditione talium exhalationum; sive ma-
teria, lumen per ætherem dispansum frangere, perque Athmosphæram
Cometæ reflectere apta, cessare, & ex intervallo redire posse statuit.

Adornandæ suæ Hypothesi duo supponit: I. Poste Cometam per plures revolutiones visui nostro abscondi. Idque mirum non videri de-
bere,

bere, exemplo Mercurii, pluribus revolutionibus inconflicui: Fixæ in collo Ceti, per septem octo menses latentis; diutius etiam, si solitæ apparitionis tempus incidat prope conjunctionem ejus cum Sole: Satellitis tertii Saturnini, ab ipsomet *Auctore* anno 1672 detecti, per quamque suam revolutionem 80 dierum, integro mense invisibilis. II. Cometas verosimiliter non magis ordinato simpliciique motu incedere, quam Planetas; qui scilicet ad eundem Zodiaci locum inæquilibus temporibus revertantur.

Hæc tamen conditio nihil confert repræsentando redditui Cometæ anni 1577 ad annum 1681, observationibus utrobique habitis conformi: quippe quem *Autor* per æqualem motum exhibet beneficio Theoriæ, circuli Terræ eccentrici, Lunæ orbem involventis. Juxta hanc, distantia Cometæ a centro suo undecupla sesquiæqua est: distantia ejus minimæ a Terra: secundum quam rationem motum diurnum Cometæ ex centro proprio spectatum, ad motum apparentem in Perigeo 4 gr. 30 min. determinat 24 min. 5 secund. 14 tert; apparet motu a Perigeo, juxta rationem augmenti distantia a Terra, & radii visivi, ad circuli Cometæ circumferentiam obliquati, dietim eo modo decrescente, quo, cum anno 1577, tum nuper anno 1681 observatus est: excepta paucilla variatione latitudinis, tum maxime sensibili, cum nudis amplius oculis Cometa non cerneretur. Perigeum vero, anno 1577 in 14 gr. Sagittarii constitutum, *Autor* 6 sec. 30 tert. secundum; Nodumque Boreum tum in ejusdem signi gr. 20,25 sec. contra seriem signorum dietim promovet: Latitudine anno 1577 maxima 29 gr. 15 min. quæ anno 1681 fuerat 28 gr. 20 min.

Ex hac denique æqualitate motus, nullam a variata distantia a Sole, variationem passa, inque aliis etiam Cometis, hac methodo examinandis, obvia, minime necessarium judicat, vel cum *Tychone* ad compositum, ex Cometæ proprio & Solis; vel cum *Dn. Hevelio* ad Telluris motum configere: indicium vero sumi posse, Eos non circa Solem, lege cæterorum Planetarum, quorum motus, pro sua ab illo distantia, intendatur remittaturve, moveri; cum trium mensium intervallo vicissitudinem inde sensui perceptibilem nuperus non sit passus; Eosdem adeo speciem Planetarum peculiarem, quorum motus a diverso, ac reliquorum, pendeat principio, constituere,

DE COMETARUM NATURA ET ORTU
epistolica Dissertatio, ad Clarissimum Abbatem Franciscum Na-
zarium, Autore Dominico Guelmino, M. D. Bononiensi.
Bononiæ M DC LXXXI, in fol.



ET huic scripto occasionem Cometa Annæ, quo editum est, dedit: in quo Autor circa hanc materiam ea libanda sibi sumvit, quæ ab hujus Cometæ observationibus, vel confirmata, vel rejecta, vel noviter suppeditata sibi sunt visa. Unde recensitis Philosophorum veterum recentiorumque cogitationis, plurimis etiam tanquam minus animo satisfacientibus rejectis, ipsum Cometam, ut Capite, Crinibus & Cauda spectandum se præbuit, describit, & Propositiones ex phænomenis ejusdem probabiliter deductas, Hypothesi suæ, sequentes præstruit: sc. materiam Capitis non unius conditionis, Capillitii vero Caudæque eandem naturam: Caudam, quomodounque tandem, Solari radio deberi: Caput sphæricum, saltim ad sensum, esse: Capillitii & Caudæ materiam esse aliqualiter diaphanam; nuclei vero probabiliter ex opaca coagimentatam: materiam denique hanc non elementarem, sed cœlestem; ex se quidem lumine proprio destitutam, nec alienum reflectentem, variationi tamen cuidam obnoxiam, cuius causa opacitatem apta sit quandam induere; ad quod sibi sufficiat concedi diversas, & magnitudinis & figuræ moleculas cœlesti materiae innatare, ex quarum unione & forti miscela lumini transitus præcludatur.

Facto posthæc ad cogitata sua, quæ pro meritis hypotheticis se venditare modeste admodum profitetur, gradu: de Solis vertigine, e Macularum motu comperta, quæ circumpositam materiam quamcumque, ipsosque adeo Planetas, secum rapiat; de particulari motu turbinationis, Planetas singulos in oppositam vertigini illi partem trahente, Vorticibusque Planetarum differens, materiam duorum Vorticum commixtam, quod facile in Synodo Planetarum concipi possit, ob op-
 TAB.XIV. positum illorum motum, in tertium abire Vorticem, generationi Co-
 Fig. I. metaru[m] idoneum, posse, Fig. I. sic illustrat:

Supponit v. gr. Saturni Vorticem ABCD, Jovis AFCE, ipsis, in eadem cum Sole linea, maxime sibi propinquis; quo casu occurrentium Vorticum materia misceatur, & portio utriusque communis fiat ABCF.

Vorticibus enim proptio motu ab Occidente in Orientem, vide-
 licet

TAB. XIV. ad A: 1682.
pag 292.





Iacet ab A per C in D & denuo in A; & ab E per F in A, & rursus in E delatis, manifestum esse, partem ABC superioris, & partem AFC inferioris Vorticis opposito sibi motu occurrere. Quod si jam concipiatur, materiam Vorticis Satutni penetrare in A Vorticem Jovialem, certum esse, fore, ut ea, nullo obniente, per circulum ABC procedat: at motu secundi Vorticis ab F versus A impellente, fieri, ut infra lineam ABC per aliam AIK deprimatur, donec in H, quo loco diminuto imperu, quo ad plagam N tendebat (tum quod Vorticis superioris motus sursum vergere incipiat, tum vincente inferioris motu) non amplius in C, sed versus F retrocedat, supra lineam HRI, unitis utriusque Vorticis latitudibus ad superiora vergentibus; ideoque per lineam HXS, unde porro per SVT &c. donec in Y, centro motus, materia re-colligatur: ubi, velut in hypomochlio, æquilibratis utriusque Vorticis momentis minima sit motio, & veluti quies. Quoniam vero hujusmodi Vorticibus proprium sit crassiorem materiam ad centrum de-trudere, quod in typhonibus & fluentorum gurgitibus compareat; jam liquere, unde materia coelestis coagmentationem a motu, tanquam efficiente Cometarum causa, excitatam, petat. Quæ quidem unio, ab impetu Vorticis communicata sustenta, pro hujus conditione, Cometarum corpora jam tamdiu faciat observabilia, quamdiu debita a nobis distantia permittat; jam disfluente, ob motus Vorticis sui debilitatem materia, & ipsa soluta, Cometa diametrum physice, quod huic ipsi contigisse conjicit, imminuat. Crassiorem porro materiam, si natura sua opaca sit, nucleus opacum citra dubium posse constituere; sin minus, particulas ejus, dummodo variæ sint magnitudinis & figuræ, fortuito occursu sibi applicatas, unione sui, inordinata concretione, motuque circulari vehementissimo, transitum lumini intercipere; reliquum vero crassioris materiae prope nucleus fluido innatans ætheri, comam efficere, non omnimode opacam, sed nec pellucidam usque-quaque: ita ut radii illustrantes partim refracti ulterius tendant, partim reflexi ad nos remittantur.

Nucleum vero per opacitatem suam radios Solares terminantem (quod in Cometa observari) mirum non esse, nigricantem Caudæ axem, suis scilicet Umbram, post se trahere. Ipsi autem Caudæ materiam ex indefinita colorum capacitate depromit; nulla ad motum propensione aut resistentia præditam, eoque sequentem, quo vicinior rapiat impetus:

atque ideo ad maiorem etiam, ac Cometæ hujus ingens alioquin cauda exigat, distantiam Vorticis alicujus diametrum posse extendi. Quomodo vero etiam, citra materia reflectentis tam immanem copiam,

Fig. II. Caudæ Cometæ longitudine salvare possit, Fig. II, beneficio ita explicat. Sit A Sol, a quo impetus lucis globulis in ADE existentibus imprimitur, quorum motus ab A ad D directe progrediens, ad oculum in F situm pervenire nequeat; at occurrente in D corpore DC, aspero & inæquali (capite Cometæ) evenire fortassis, ut globuli inter D & E motum circularem circa proprium axem (exemplo pilarum lusoriarum reticulo oblique currentium) concipient, atque sic versus F impulsæ, eundem oculo impriment, ut luminis per DE tractio eidem appareat; ea tamen proportione, ut evanelcente in partibus E proximioribus vertiginis motu, splendor in E debilior, quam in D, percipiatur.

Porro, cum juxta hac Hypothesin ex Fig. I, Cometarum genesis ad Synodos Planetarum referatur, Autor in suffragium ejus tum Astrologos, tum quosdam Mathematicos, tum ipsam Historiam Cometarum, anni 1582, 1596, 1618, 1652, 1664 plurimumque, advocat; non dubitans, ex curiosa Ephemeridum cœlestium indagine, de antiquioribus etiam Cometis circa conjunctiones Planetarum exortis, constitutum; rationes etiam subnectendo, cur neque quorumvis Planetarum concursibus Cometæ fulserint; alii etiam eos anteverterint, alii insecuri sint; neque omnes etiam ad hanc causam ipse revocet.

Circa lineam motus, Autor rectam præfert, quod Cometæ a maximæ velocitatis punto quadrantem nunquam excedant; de principio

Fig. III. vero motus hujus, ejusque ratione, Fig. III & IV interprete, sic differit: **& IV.** Supponantur Vortices AMS, BCN uniti, ex quorum unione factus fuerit vortex IDH; necesse esse, ut ex mutuo occursum illorum duorum Vorticum materia unius alteri contranitatur, ita ut ex forti compressione materia ab M versus A, & ab N versus B deprimatur, impellente contrarii Vorticis impetu: hinc esse, ut in statu violento detenta, nixum se restituendi ad pristinam expansionem concipiat. Posto jam Vorticem inferiorem a conjunctione defluere, & a superioribus nexibus solvi, ita ut locum mutet a B in C, secumque trahat Vorticem IDH in LEF, ubi primo supponatur ab oppressione superioris Vorticis liberari; ibi, cum materia CF, prius arcte compressa, nihil de super contranitens habeat, nixum suum exerere expansivum, & velut arcum

arcum ab intentione laxatum, Vorticem FEL per lineam LG projecte. Posse a dictum Vorticem & alia ratione motum concipere, si a velocissimo partium extimarum Vorticis impetu per unam ex illius Tangentibus vibretur. Ex hujus vero linea ad axem opticum inclinatione diversa oriri phænomena: si enim Fig. IV ab oculo ad exortum linea L ducta linea angulum rectum cum LG efficiat, aut versus G obtusum; motum Cometæ initio majorem, semper decrescere visum iri: si vero angulus in L versus G acutus fuerit, quantitatatem apparentem motus diurni primoparvam, in dies incrementum suscepituram, usque ad Perigeum R, ex quo perpendicularis cadat in oculum T; unde versus G progrediendo, a velocitate motus sensim remissurus sit Cometa, donec in G stationarius evadat.

Locum Cometæ longe supra Solem tribuit duobus argumentis, I. quod necesse fuerit, radios Solares aut pone caput Cometæ uniri, deinde scoparum in morem dissolvi; aut incidentes comæ divergere: prius falsitatis exinde argui, quod toto apparitionis tempore caudæ laterales extremæ linea nunquam visæ sint in duos angulos ad verticem inclinari: posteriori vero contingere non potuisse, nisi corpus Cometæ Solari sat majus fuerit: cum ergo apparens ejus magnitudo Solari fuerit minor; eandem per majorem distantiam debere compensari, Cometamque tanto altius supra Solem evehi. II. quod Cometæ nucleus, a prima apparitione usque ad finem, circularis figuræ apparuerit, æquilateræ ab omni parte illuminatæ; unde cum opacum esse ex projecta umbra probaverit, necesse esse eundem cæterorum corporum a Sole illuminatorum leges secutum fuisse: Hinc, cum inferiores Sole Planètæ in ortu & occasu heliacofalcati; superiores vero quocunque coeli loco, & ad Solem respectu, disciformes appareant; Cometa vero horum potius quam illorum imitatus sit phases: convenire etiam, ut communis cum his sede collocetur.

*NOVUS COMETA,
a 16. Augusti, st. vet. Anni 1682 Lipsie
videri cæptus.*

ADhuc, dum Virorum Clarissimorum de nupero Cometa cogitata Orbis Eruditio exponimus, en' novum nobis de cœlo fulgentem: qui, ut plerosque hominum nunc in admirationem sui rapit; ita dubio procul perspicaciora ad profundam contemplationem excitaturus est ingenia, Quorum præclaris meditatis,

seu Actis referendis, dum se nobis det occasio, non incongruum interea visum est, quæ citra Instrumentorum debitum apparatum, locoque ejusmodi Observatio- tationibus minime accommodo, notata sunt, breviter & bona fide recensuisse: ex aliorum accurationi indagine petituris, quid, quantumque nostræ defuerit.

Postquam de viso per vesperam, d. 16 Aug. noctemque, novo Cometa, altero mane rumor increbuit: intentis in Cœlum d. 17 Aug. oculis, a Solis occasu mature satis fuit deprehensus: Hora decima cum stellis Ursæ majoris Bayerianis (quas deinceps usurpabimus) ν & ρ ; ψ item, & λ rectam constituens lineam.

D. 18 Aug. mane H. IIIda, Cauda Cometa præter, & ν ad dextram spectato- ris tendebatur, duplo, quod est inter has stellas, intervallo: θ & 34ta Ursæ Tab. Rudolfinarum; ν item & 33ta Rudolf. cum Cometa in recta constitutis. Long. Com. 44 gr. Leonis; Lat. 24 $\frac{1}{2}$ gr. Boreæ, nuncunque æstimatis.

D. 19. Hor. III. λ & 32da Rudolfinarum; μ item & 34ta Rudolf. in una recta eum Com. visæ, indicio erant, Cometam intra diem supra 5 gr. in orbita propria confecisse, jamque in 10 $\frac{1}{2}$ gr. Leonis, cum Lat. 25 gr. versari.

Vespere dimidia decima, rectæ per χ & ψ ; item α & λ ductæ se mutuo in Cometa intersecabant.

D. 20 H. IX; λ , μ ; δ item & γ cum Cometa rectam constituebant; eo triplo longius a μ , atque ipsa stella μ a λ , distante.

D. 21 Hora IX, Cometes sui diametro a recta per γ & 42dam Rudolf. ducta verticem versus declinabat; paulo plus α , quam ab ξ distans. Cauda transibat per ω , ultra aliquantum exorrecta, ejusque extrema latitudo major erat dia- metro Lunari. Caput Venerem æquabat. Long. 29 $\frac{1}{2}$ gr. Leonis; Lat. 26 gr.

D. 22 & 23, quo posteriore Soli junctum æstimavimus, cœlo vespere nubilo latuit, utriusque diei mane adhuc, sed postremo visus.

D. 24 vespere per dehincentes subinde nubes vissi locus non potuit notari: nisi quod per comam Berenices æstimatus sit incedere.

D. 29 cœlo interea nubilo, Hora IXna, verticalis per Arcturum ducta Co- metam notabiliter ad dextram relinquebat; qui cum δ & lucida Jordanis supra comam Berenices in una recta erat, & ab Arcturo 13 $\frac{1}{2}$ gr. dilabat. Ex quo, aliasq; circumstantiis Long. conjiciebatur in 14 gr. Libræ, cum lat. 18 $\frac{1}{2}$ gr.

D. 30 eodem tempore, Cometa a verticali per Arcturum pauxillo ad finis stram deviabat: ν & α Bootis, rectam cum Com. constituebant. Ex captis Qua- drante pedali altitudinibus, Cometa distantia ab Arcturo erat 14 gr. fere; mo- tus diurnus 3 gr.; Long. 17 gr. Libræ; Latitudo 17 $\frac{1}{2}$ gr. Cauda tendebat ad ζ Boo- tis, cum aliqua ad π declinatione.

D. 21 Aug. quantum per nubes licuit conjicere; ab hesterno loco 2 $\frac{1}{2}$ gr. aberat: motu a 22 Aug. quo 7 gradus. Cometes conficit, continue decrecente.

Cursum ejus, uno velut iutuitu, in Globo Horizontis arcus, ab intersectione meridiani borea occasum versus designat, elevato ad 47 gradus Polo, adductoque ad meridianum Aquarii principio.

Caudæ directio, nobis perpetuo ab opposito Solis, aliquoties ultra 20. gra- dus, declinabat: Nodium vero S.S.S. dietum duabus tertiiis unius gradus promo- tum, ex observationibus nostris qualibuscumque deduximus.